

賴古堂集

賴古堂集卷之四

浚水周亮工櫟園書

五言律

白蓮驛

古驛藏山曲，兵戈不盡焚。  
一燈隨雨亂，半榻向僧分。  
瘠鳥啼枯樹，寒狐舞敗墳。  
砦門看早閉，虎跡亂紛紛。

詭郵吏

不覺灘聲隔，籃輿意所訢。  
住村無小吏，懸額定奇文。  
熟酒全分雨，生柴半爇雲。  
那堪巖上望，瘴氣夜紛紛。

山樓繡佛咏

弱影空山怯香燈引夕晨微風吹線慢小雨度針  
勻磬落閨聲寂雲歸佛面親不知枯坐裏何事翠  
眉顰

猶是閨中事絲絲佛子身齋心千境息入觀一痕  
泯破衲刪餘想高樓理靜因綠窗桃李燭有女繡  
紅春

懷顧與治

予入閩時與治送予江上留連不能去時  
以宋比玉墓表費筆山嗣君見托

舊作秣陵客聞聲總比閭論交矜最晚相勗慎其  
初所托咸亾友出門獨送予過君曾到處卮酒倍

躊躇

與治往  
曾遊閩

夢裏長江棹過從酒隱堂天風吹芳艸海月滿漁  
滄時予在九龍惟賤歸吾實一貧止士常傷心卑濕地  
誰與問秋霜

清流雨中與客飲

秋風吹不息行李去焉如小雨來佳客山城饌野  
蔬鶴聲千境遠菊影一燈疎獨憶峰巒外寒雲老  
敝廬

冷署閒如寺蕭條任客過甘蕉千疊雨明月一林  
波蟲響秋堦淺山空旅夢多相期風日好同泛九  
龍渦

寧化道中示子京

尚作新羅想驅車亦已秋反唇驚狒狒銜尾愧周  
周無計成長往累君共遠遊此間山果異看盡不  
知愁

石牛驛

餘風猶可見誰使盡逋亾古驛千山雨殘燈獨客  
觴聲枯鷗嘯樹影黑虎夔牆破被三更夢真能返  
故鄉

伯宗誕日

十年風與雨大半老軍中磨楯同爲檄登陴互挽  
弓哀猿挑絮語濁酒紀孤篷莫作桑弧感江楓盡

欲紅

旅舍驚相問衰顏更一年迷陽增促戚扶老重迤  
邐互掩思親淚誰傳感遇篇南陔相戒養又借劔  
津船

最是傷心地秋風白浪河溪燈翻舊夢老雨節長  
歌泥滑難爲步寒號得且過相期江柳外與爾整  
漁蓑

汴水平沉後知交漸已稀獨生應有意所至復全  
非海嶼年華酒秋風客子衣老親時在念相勗早  
營歸

黃流沒汴伯宗  
獨從水中逸出

杭川同王將軍大士菴禮佛

倦客營歸步軍持一杖隨竹聲安遠寺橘影澹空  
池雪認飛鴻跡雲開野鶴姿門前秋色滿去此欲  
何之

慧將歸慈氏弓衣禮戒壇花從天外落鳥入掌中  
餐僧意從秋靜灘聲入夜寬聞鐘增愧悔俛首一  
長歎

秋水掩柴扉將軍與世違甲光明佛鏡劍氣冷僧  
衣慈路欒槍近塵心鐘磬微危途騎馬客偶坐亦  
知歸

淨土林中是行藏丐佛憐疎鐘侵靜語遠水縱浮  
煙幾見兵戈息難同鷗鷺眠從公得要道慈儉不

爲先

同王將軍橘浦秋泛

將軍真整暇小艇伴鷗浮  
幕府琴書靜山城橘柚  
稠寒雲千里暮落日滿池  
秋慚愧歌鐘外茫茫客  
子愁

畫舫逐輕波軍閒喜客過  
岸花秋露滿山翠夕陽  
多歌吹親魚鳥旌旗綴薜蘿  
赤松游甚好歲晚奈  
愁何

止酒客懷輕郊坰漸罷兵  
孤舟迷斷岸秋水澹荒  
城籬落江南意饒歌塞上聲  
何時初服遂與爾學  
躬耕

吾意存濠濮輕舟信所之蘋寒憐皓月橘冷媚荒  
陂瑟向瀟湘奏情從瀚海移伊人何處望宛在水  
中坻

汀署聽雨有懷秣陵諸同人兼寄星子元潤  
時兩君偕予入閩畱榕署中

孤燭全無寐雨聲入夜驕旅愁增老病鄉夢隔雲  
霄別去踪無定同來信亦遙終宵難更聽不悔種  
甘蕉

哭柘浦李文素將軍

夜雨聽啼鵑懷人柘浦前惟傳君久病不信已長  
眠幕冷餘嘉客情多失大年連朝書尚寄幾到夜

臺邊

子別君來榕城書凡四寄不知君已作古人矣

來往梨關路依君情倍殷  
高樓延素月艷句匿紅  
裙牙將悲長紉詞人拜野墳  
可憐邊塞士痛哭李將軍

君詩如入陣往往在人先

用周羅喉事

明月城頭賦春

風馬上篇高臺遙望古

君作堂於越王臺上微予輩爲詩

戎服勇

叅禪恍惚孤魂泣迷離柘浦煙

如爾封侯易奇勳不可成形  
弓分舊好素旄泣窮  
兵旅櫬親心慘殘城鬼任輕  
多應爲我友雨雪苦  
相爭

杭川署中雜咏

菊

悠然籬落下佳種遠分僧色入寒林澹情看冷署  
矜微霜凌晚砌疎雨豔秋燈頗憶家園好羈人見  
未曾

蘭

過嶺尋常見冬階漫自陳含煙輕入佩斂笑婉宐  
人騷屑悲三楚氤氲秘八閩和風吹善氣竟歲有

花辰

閩蘭茂  
四季

竹

作客滯臨汀蕭蕭意未經孤燈一夜雨窗外數竿  
青冷署聲偏碎懷人夢未寧無端天際想翠袖倚

娉婷

芙蓉

澹影入空池  
盈盈若有思  
輕紅依素月  
軟白媚秋  
卮一雨紛披際  
百端交集時  
炎方霜可拒  
不奈晚風吹

松

獨立意蒼蒼  
天風萬里長  
濤聲翻鶴夢  
翠色滴秋  
裳過嶺存卑  
溼微生念雪  
霜南枝凋縱  
後看爾不相妨

抹麗

抹盡東南麗

抹麗謂掩盡衆花也

難隨風土遷

陸賈南行紀云南越五穀

無味百花不香獨有二花不隨  
風土而變謂素馨與扶麗也  
秋心窗外冷素袖  
雨中鮮豔欲來長夜柔思伴小憐  
晚粧清似水桃  
葉渡頭船

橘

共祗垂千戶山城客不貪越州當置守  
吳籍願除  
臣于野璿星大過淮枳樹新置身無地  
好頗憶此  
中人

畱別杭川諸生

兵戈猶未息窮士滿菰蘆僻地迂聞見  
山城古步  
趨但能學閉戶不敢厭爲儒慚愧烽燧  
內誰憐飢  
所驅

好山看未厭，獨客倦思歸。  
朴俗情多近，高文世所譏。  
爲予閒載酒，退卽掩荆扉。  
小艇難輕發，汀南鴈不飛。

閔中介移鎮沅湘飛棹送之先賦二詩

遂已先予去，俱爲離別傷。  
五年空瘴癘，一水自瀟湘。  
楚客皆能賦，江離不斷香。  
後時同有夢，落月滿

琴岡

杭川面山如橫琴土人以琴岡目之

瀟水入湘，清波濤未肯平。  
雲邊馳逐意，櫂外遠離情。  
江楚難爲客，荆襄未罷兵。  
芳蘅容易采，脫復待予行。

伯常王大將軍剿江廣之寇奏凱還汀適予

返自杭川覩軍容之盛得詩四首

汀水高無際將軍控上游  
垌人疑電馬畚客走霜彪  
願見餘氛息甘從下士謀  
瑯琊家世好半壁許誰儔

嶺外烽煙息東南爾自擎  
秋風吹泗水夜雨夢彭城  
甲士聞雞舞丁人買犢耕  
革心真未易所重在先聲

伯常家彭城舊鎮泗水

共話榕城外鄞江風雨宵  
三年空荷戟一水舊名樵  
鼓吹清秋發旌旗複嶺搖  
虛堂能憶我更爲補

甘蔗

予困守樵川時作蔗堂種蕉數百本公過其地爲予葺之

海波韜韜際鐵騎起幽燕  
邸第花間出陰符掌上

詮選山營勝壘卓土得清泉相顧真難老登壇廿  
載前

蔣赤臣比部吳岱觀孝廉集蕉堂

梨嶺人能過寒梅影倍鮮別君疑昨夕更得幾新  
篇劍外江南棹卮中海嶼煙相畱隔歲任飽食荔  
枝還

送胡三元潤返白門

頗欲畱君住能還亦我私慮親開遠信仗友飾歸  
辭疲硯分燈倦勞魚任字遲秦淮春事好弱柳綠  
絲絲

度嶺時無幾言歸每謂遲悲予連歲任更切老親

思剋客迷勞劍殘書借倦卮煩君安我友瘴溼漸  
相宜

與楊猶龍

藥雨溼梨關花繁映旆閒蜚人知問字番客引看  
山劍倚腴雲外書殘舶趁間壽麻不可住肯待荔  
枝還

送羅星子返白門

送盡同來客看君又已歸殘城經歲病骨肉幾相  
依意內人皆遠天涯事日非春風花信好有淚莫  
教揮

帝城花色新頻促遠遊人小艇明朝遠孤燈此夜

眞香流千岫雨紅亞一蓬春知到秦淮日登堂慰我親

### 哭林得山

得山居士好予詩每誦予詩未嘗不欣然稱善也得山沒無復有好事詩者今日得六詩哭得山芥一盂香一蠟放聲誦于得山之側以期冥政嗟夫得山沒矣誰復有相知訂吾詩者哉泣下久之

閉戶如君好經年巖壑中留人看破研課僕洗高  
桐出塞篇猶健登樓賦自工歟然長嘯去吾道果  
終窮

神理有遙感吉凶未可量嗟予京口棹夢到退耕  
堂榻下閒琴瑟階前滿雪霜寧知寤寐事于此不

荒唐

竟歲常居寺邀予晚聽鐘可憐猶命駕何處獨支  
筇辨藥偏逢僞知醫獨任庸並耕人已失不敢學  
爲農

冀北經年別嶺南客更來馳驅未敢厭溪淺故人  
杯老句平相賞閒踪冷任猜自天亾我友乃識在  
塵埃

吾友懷東子

中丞全城之功  
多先生籌畫

言君每自傷先生看

玉貌後死泣文章才在身終累情多物所妨夜臺  
能解脫塵下有西方

今歲梅花好蓬門爲我開

得山今歲邀予嵩山看  
梅書蓬門今始爲君開

句於壁林中握手約載舉隔年杯老友看垂盡春風  
吹不回南枝他日燭曾肯照泉臺

遣僕子視何匡山歸述瀨上草堂風景暨匡  
山念予狀感動久之成詩五首復寄匡山  
老僕欵蓬戶雙松隔水隈主人倚杖出好友有書  
來失喜捧遙信開函爲我哀可憐瘴癘地五載未  
成回

前堂蔭竹栢後戶映松蘿高壤新栽麥低田舊種  
禾西牆懸藥裏東壁挂魚蓑拉僕廻環視笑言此  
孰多

我昔秋冬際曾爲萬里行悄心看雨雪獨立昧陰

晴未敢輕憂患所嗟負友生箴予苦不早十載竟何成

汀上詩初見君懷一往深情猶感老僕

老僕來云匡山手予

詩淚泫泫下

意不爲孤吟死句應誰借秋心奈爾尋自

言非木石能不淚沾襟

匡山書云讀予孤舟更向千山發薄命誰憐萬里回

之句即木石人亦應落淚

夙約方塘好扶筇學種魚閒同鄉里醉懶答故交書鶴影支香外琴心節酒餘僕歸頻笑我士貴遂其初

胡三謁公久別予返秣陵偶憶蕉堂作圖相

寄意致幼渺幾于無墨得之狂喜賦此言

謝

焚硯靜看山褐公獨閉關偶然輕潑墨遂落草堂  
間意若餘于幅燵爲一半閒此中曾有客久畏雨  
聲還

盧雉公年四十始補博士弟子員得靖公弟  
字賦一詩寄雉公

家書惟友兄吾弟語津津美爾抽殘筆猶能慰老  
親危時無定步小遇亦相珍倦羽應知返江干失  
比隣

今年予四十吾弟靖公亦三十矣感賦一詩

寄靖公

東坡全集卷之四  
二  
弱弟承歡好寒門儉自持交能存故舊文頗悔當時歸信全無據挑燈各有思兒年三四十曾恐老親知

郝敏公初度

子長敏公十年

郝公舒嘯處嘉樹晚能香

敏公篋香亭在古嘉樹堂側

互慶雙

親健遙憐道里長溪卮閒借引小句日相將十載吾何事猶堪珠玉旁

將發劍津病甚扶掖登舟枕上成詩四首

夜雨洪塘岸危檣老病身江風吹藥竈榜子促醫人亂覺妻孥累衰知性命真誰憐跼蹐客退路亦逢嗔

昨歲兼前歲秋風客與期

前歲北行客歲行皆秋冬之際

難逢

一鴈到空學五禽嬉上藥猶能到

時終中丞寄

中

醫未敢持釣天樂甚好惘惘欲何之

力疾予何事難爲永夜心閩舟薄似葉蜀藥貴于金自訝朝昏異由來歲月淡親書猶強寫二豎不相侵

不失漁人約年年江上游黃花依病客白露冷孤舟歸思淡秋滿寒潮半夜流健兒明月裏閒唱古梁州

陳昌箕鄭圭甫許天玉諸君子至江上視予又是秋冬際遊絲百丈船同人看落落送客記年

年鳥倦惟懷樹魚枯尚畏筌聊憑詒稚子卽此便  
成還

醫至

覺與前宵異頻商日後方所嗟難共棹累爾遠攜  
囊孤燭環兒女微軀任雪霜見予未返走但道慎  
行藏

十三夜次候官颶風突作小舟幾覆予病甚  
羣僕拉移他舟獲免

四面風皆具羣帆勢若颶雷耕喧稚子駛語噪長  
年遽數平生過難爲造物全石尤君莫妒不是五  
湖船

壽張太翁

公選大行尊人

獨有金焦勝先生此地家庚申丹鼎藥丁卯野橋  
花酒濁三升借書奇七尺加離枝香可寄令子正  
仙槎

楊猶龍寄新詩至

詩愛猶龍健清新足我師函隨明月滿句任好風  
吹大雅應誰作腐儒不可爲何因開卷樂驟得使  
君知

有介弱弟中殤賦此慰之

殘書誰更受空以傳爲兄問字餘長被謀篇罷短  
檠嬈魂飛雨亂獨鳥叫墳輕努力承先緒芳洲失

杜衡

贈京口劉長公用星子韻

淵默殊難測示予惟簡編疎卮開嶺月豔賦冷江  
天人在曹劉內名應盧駱前霏霏玉塵下海外幾  
峰懸

獨卧驗夢菴永夜不寐覓歸無計便寄靖公  
弟

靜裏籌歸計寒霜透薄衾萬山連夜雨獨客五更  
心鳥宿川光暮龍歸海氣森何當一枕上兀兀盡  
遙岑

羅星子至自白門得閔伯宗鍾蟠菴高康生

札子諸君南北闌同時下第

我友環南北同時淚滿巾人來殘歲月書到舊風塵  
不更悲遲暮惟言負老親長貧道所貴相易守其屯

自劍津發燕江次西溪

雙劍滌洄地籃輿十萬峰雲爭橋上屋水舞石邊  
春破壁蹲飢虎殘僧拜廢鐘追呼亦肯到何處勸  
爲農

次沙之洋口與子京話往昔盡夜不寐

此地能偕至空山夜倍長霜鐘閒過渡野月冷侵  
牀頗不強人意誰能話故鄉霏霏煙雨內夢欲到

瀟湘

早發杉口是爲沙永之界

何能暫得寐羣動已晨興瘠馬嘶勞劍寒裝束倦  
燈橋危殘月漾屋漏曉煙蒸同伴頻相喚迷途意  
自兢

尾歷從林際望小舟下急灘

深水羣嘶地吾山不肯平孤篷驅駛馬亂竹點飢  
鯨縱送全無忌浮沉別有營難從巖際望一隙苦  
相爭

夢與張石平登七臺山明日石平寄詩集至  
好句誰爲寄殷勤昨夜顏殘燈挑白雨遠夢縈空

山曾致漪蘭去遙看錦字還不知千里外何以遂  
相關

猶記西湖曲酒人不肯還渾忘千里路共上七臺  
山夢足江天闊書來夜雨閒清詞雲影似冉冉度  
霞關

石平返里門未幾復過江上此集半是途次  
作再用還字

頗負衡門約相期早閉關故園居不易作客更成  
艱戰壘驅車過荒城掩面還鄉心啓篋滿老淚向  
誰潛

哭魯君寵叅戎

有引

嗟夫當丁亥戊子之交非魯將軍孰與僕  
守此孤城哉富沙既陷山海寇競起關以  
外咸敵國樵川彈丸耳當寇數十萬將軍  
兵不滿千龍鬬一戰真如鼠鬬穴中卒能  
驅數十萬寇如摧枯拉朽功懋矣時邵士  
庶言非將軍不能戰非僕不能使將軍輕  
其身以戰以今思之將軍輕其身耳僕何  
人能使將軍輕其身哉將軍今何往乎將  
軍以撫寇死無家可弔無棺可撫無殯葬  
可聘無子可恤僕將何地哭將軍乎嗟夫  
當予守樵川時外援不至變在呼吸樵之  
人士羅列稽顙望將軍一戰以永旦夕命  
而不可得幸而見將軍戰則歡忻讚嘆壺  
漿跪擎望其顏色以爲古之李郭不足過  
迨寇退事平而將軍之疵癍見矣樵之人  
士向之歡忻讚嘆於將軍者亦皆持論不  
少恕豈不悲哉將軍縱酒數止數飲醉則  
嗷嗷見同輩直視久之話辭至矣然一聞  
寇握槩馳去無少酒態性好鞭朴自恣適  
已無大將度子皆不能爲將軍諱至其始  
之百戰以存城終之殞身以撫寇將軍終  
始于樵且以死謝樵矣使今之爲將者盡

如將軍夫何憾乃身旣殞家旣破馬革無  
可裹化碧之地無可尋而吹疵求瘕卽出  
之于向之惟忻譔歎者之口豈不悲哉僕  
何人何能使將軍輕其身以戰然非將軍  
實無與僕守此孤城者將軍卽不滿于樵  
人僕則何敢負將軍于復至樵川之日招  
其魂而哭之

八月危城內孤忠爾獨持可憐無馬革空自辨雞  
碑戰苦羣心豔魂歸遍體疵重來何處望有淚亦  
爲私

昔自杉關人人傳癡魯名刀痕遍七尺酒力足三  
罌欲借今時議同登舊日城穴中聊一鬪鍊裏果  
錚錚

金谿吳士宣不返里門二十載矣比自新峯

至卽送其歸

人間爾尚在魂定語津津酒境前林滿涕痕昨夢  
新貧看弱僕傲老更故園親傳說疎山好高風未

可淪

吳氏世  
家疎山

馮伯宗下第

又報燕中罷輕舟液雨催嶺頭辭北鴈磧裏認寒  
梅天上愁難寄人間曲可哀聊張閩勝事獨爲荔  
枝來

答黃東厓先生

已負錢鏗約清源未敢遺匡床遙下拜奇字敬相  
推小雨林中酒春風座後詩何當百里外輒爲擬

新詞

飲東厓先生湘隱園同林素菴周芮公楊康侯

海上烽煙闊閒亭信客來約萍看止水分竹上高臺驛路行無盡梅花見又開清源十載夢更待幾時回

陳開仲至

此地君能至危時重友生孤筇扶倦客敝篋啓殘城雨自燈前足詩多戰後聲江南芳草路卮酒記同行

陳開仲徐存永已丑冬從子遊秣陵

清漳歲暮王勝時誕日酌以大斗

王子懸弧日吹笙北海邊寒梅撐小閣濁酒送殘  
年古道危途重新辭亂後妍雲邊親舍近相勗早  
成旋

送勝時返雲間

初亦隨緣住經時不忍還兵戈看漸老生死此相  
關雨黑丹霞驛潮青紫帽山百年難別爾岐路淚  
空潛

黎媿曾北上寄張遠公

媿曾天下士到卽誦君賢不及觀標格時從謀簡  
編詩能刪世好交或引余前我友懷人去相看意  
倍堅

不須煩驛騎芳草夢中投鴈到何峰住思從大海  
浮披帷閒薜荔向月索筌篲逸致何由見時從我

友謀

遠公有薜荔帷集

### 送臨川支長卿

來去渾難定生平志盡淆亂中無故里老至重貧  
交濁酒頻須借殘書更莫鈔雲林白馬下余亦有  
鳩巢

### 雪舫再送元潤返白門

小閣傳知載

長白居士齋名

荒園學種瓜貧能堅旅骨交

足世寒家人夢三眠柳移情六出花何時芳草岸  
相對數歸鴉

欲去春將暮寒梅綠到枝嶺雲間杖履江月冷鬚  
眉頗感重來意難爲更別詩眼中七八載是客有  
歸期

辛卯秋元潤  
偕予至閩

### 伯宗歸

親串誰相顧君能託死生相看烽燧路獨爲故人  
行徧性千言愜新詩一字爭應知肝膈好歸計暗  
相營

烽火君無畏梨關十度過空囊詩篋滿別路柳條  
多一水春浮穀羣山晚墜螺紙船鳬雁似行矣慎  
風波

送吳玉府遊黃山玉府曾偕余北上勿勿四

載矣

策馬邯鄲道秋風感慨生十年能幾聚萬里昔偕  
行過嶺應逢鴈還家未罷兵何堪天際棹風雨望  
榕城

服公自三湘返白下念余久別便與舍弟偕  
來爲成小閣醉之

行役自三巴懷人路不遐偶然開小閣爲爾種梅  
花危路畱嘉客溪巖借晚霞荔枝香漸熟爭忍便  
思家

南北聞黃海炎方望武夷慚無濟勝具總負故人  
期妒爾成孤往相看惜暫離自矜歸計得瓢笠願

相隨

寧兒返白門

寧兒方八歲四度過仙霞亦識山川險能爲去住  
嗟不知孫在膝可當子還家好應高堂問閩南路  
未遐

空隱和尚俗臘

竟歲傳烽火危時自度難焚香充末座種地博長  
餐百丈峻嶒立千峰橫豎看無生容易學一指不  
須彈

亦欲隨常住浮生境界屢遷故人驅北地舊雨夢西

禪

和尚居西禪古剎爲  
佟懷東中丞鼎建

拾瓦敲門破挑燈見火然

知公忘伏臘甜自滿中邊

過嶺充行脚迷途七八年衰尤知畏世歸卽勝生  
天頗節松霞腹閒隨麋鹿眠如何剎那裏又見草  
芊芊

生天良不易選佛亦難成但說慈悲力能銷戰伐  
聲病尤甘敗寺老益賤虛名一笑桃花發春風第  
幾庚

江皜臣將遊丹霞入潮陽以道阻却返

皜臣  
天都

人家於  
溫陵

烽燧千林滿丹霞不更飛危途無定向橐筆欲何  
依病榻春難盡荒城容易歸聞君黃海側舊有釣

魚磯

賴古堂集卷之四終

賴古堂集卷之五

浚水周亮工櫟園著

五言律

史蒼航司李以催科後期去閩賦詩送之

獨幸還家早此中安可爲名山看八載拙吏皺雙  
眉始識催科急徒聞父老悲同君閭巷共却賦贈  
行詩

哭林徵君異卿

竟歲鼇峰下堆書滿葯房貧猶嘉客累健爲故人  
忙露冷江干笛花繁野寺觴諸郎看玉立誰復得  
臣狂

燕趙兼吳越虛名五十年  
節支花境闊中漉酒痕  
鮮剩有幽人致誰爲長者傳  
冥途無一憾死不見  
予還

老友凋零盡斯人不再逢  
溪巖捐萬累淺屐拉千  
峰後事煩廉吏

佟中丞郝大參爲君經紀後事

前身信墨農見君

多妙氣亦欲學爲恭

墨竟能磨子百年事盡空  
柔惟旨酒思堅以布衣

終

葉文忠公以中翰薦君君堅辭不受

明鏡不疲照長松下有風夜

臺逢我友幽意一相通

謂得山

初作榕城客多君暱餅僖  
自言如燭武我見勝公  
榮高閣尋詩話

君從于登樵川詩話樓

虛堂醉退耕

得山堂名

同

人容易盡老淚向誰傾

兩年來吾友林得山陳章侯姜如須萬年少皆相繼

世鳳

又哭林居士將歸反自傷閒披高士傳真見魯靈  
光窮巷驚烽燧殘年飽雪霜羨君撒手疾佛酒盡  
行藏

### 洪塘畱別

亦有能歸日好山寧再看晚風堆別路細雨濕江  
千人欲畱蕉客臣思署荔官生還衆所冀敢怨別  
離難

我友曾相送高榕借一卮依然入別境何地夢心  
知細雨畱孤棹秋風吹大旗盈盈千尺水倚杖聽

吾師

畱別榕城父老

福性人難習羣心恕且平真慙無一是送客故爲  
榮尚有桑麻約溪憐骨肉情秋颿江上闊相望暮  
愁生

壽陸違之

百陶圖畫舫

時葉榮木爲予圖陶詩百幅予作百陶舫違之適至

嘉客澹相

邀白雨朝移竹青雷夜聽蕉

蕉聞雷始長

依人烽燧闊

作賦海天遙莫恨歸途晚新詩滿絳綃

維揚人日同稚恭穆倩集友沂桐樓卽席分

得晴字

楚客高樓坐枯桐亦有聲江干烽燧滿意外酒卮  
輕珍重今宵集難逢人日晴天風吹戰伐莫更賦  
蕪城

平山堂畱別稚恭友沂穆倩

直北踪無定淮南路未通寒沙迷古驛濁酒紀春  
風嶺客新呼馬吳兒學挽弓臺前雲影亂何處盼  
飛鴻

蟪城上元飲同年黃無技齋中同王五采論  
詩

八年能再過危路怯春寒燈火荒城節塵沙客子  
餐好山看雪後舊雨夢江干頗藉王生重論詩字

字安

送陳陘山下第返閩

客久成安土閩中若故鄉同君騎瘠馬獨夢舊洪塘  
短燭三山雨殘書萬荔香修修閒綠裏爲我拂蕉堂

北闕書難上名山未可藏歸懷新戰馬句揆舊奚囊  
曲意憐僮僕卑躬數稻粱亂中人易老再聚是何方

次蘆溝

應恐遺親慮春明到卽還一天雨露闊萬里去來閒  
有福能知載無機不更刪曾餘毫髮憾未看武

夷山

予在閩入載  
獨未至武夷

次涿鹿

去夢又仙霞重來髻已華濃霜開馬足濁酒盡天  
涯人數黃昏月村迷聚散鴉嶺梅應有意待我始  
成花

次定興諸生中有從邸外竚立期望見予顏  
色者感賦

土屋黃塵滿孤臣黯自嗟世猶旌敝帚事盡屬空  
花天只兼人只松耶與柏耶寧知郊野外立雪有  
侯芭

次安肅示唐肯堂

曾學漁陽鼓臨風欲亂撾竹修蕉有類璞在玉寧  
瑕別緒心千折羈吟手萬叉誰憐丹甌裏八載但  
蒸沙

黃河阻雪同劉公勇登李家亭子予家大梁  
久爲水沒累欲移家依劉潁上

酒裏軍聲滿荒亭旅思加依人空有約縱渡亦無  
家瘠柳垂殘玉高凌走亂沙春風消息遠開不到  
梅花

過清苑哭呂正始是日次大汲

曾作西屏客同登天咫樓可憐今夕過不見故人  
畱如往迎君櫬知猶爲我憂寒門衰已甚兒女未

堪謀

庚寅北上時西屏天咫樓初成予爲留三日申婚姻之約而去乙未正始備兵抗嚴以憤

鬱卒於官  
樞猶未返

靜治堂贈黍丘張澹明大令

高堂名靜治馴鶴立堦前嘉客樽難罄殘書手自  
編蒹葭三面水禾黍萬家煙明月湘簾下時調燥  
濕絃

江舟與立三夜話

緩急堪誰托多君念不移真爲吾道重肯以老親  
辭習嬾先徵敗貧交晚更宜孤舟連夜雨莫代故  
人悲

盧長華陸繡聞胡螭贊載酒河干

東坡全集卷之三  
又送炎方客情人酒獨清難爲連歲別何以慰子  
行游俠應成傳樓船不罷兵躊躇千萬里此際重  
王程

高康生蔚生依依不忍別信宿舟中始去  
我友皆離別依依淚自零萬千私慰藉一再宿津  
亭春雪猶成出江聲不耐聽同人能載酒莫更怨  
伶仃

方與三賦詩相送次韻三首

欲踐閩山約寧辭一再遊眼中人盡老意外路偏  
悠寂寂殊堪笑茫茫始欲愁望門投客易心耽累  
朋儔

遂已更新籥今年春倍寒持憂空自逼宿業詎相  
寬好語安親易垂頭向客難真慙天下士猶作故  
人看

尚異人言謬行看消息真餘生全 聖王再到愧  
斯民別路連朝雨征車客歲春始知傳貨殖太史  
亦家貧

八公洞逢蜀僧若冰出鄭潛菴前輩札子相  
示

巴蜀安能返空山偶結廬八公家有竹一水互爲  
渠綠共閒門掩香分靜者居寧知空隱士亦重故  
人書

曾約金焦住風濤不易禁剎那僧俗臘萬折去來  
心杖倚鐘聲肅風敲竹影淡真無一念起憐我欲  
成吟

五福阻雨

一雨催人去遐方度嶺時禽孤垂倦翼樹老淨高  
姿野渡繁花落荒林獨客悲惟欣春水滿艇急萬  
山隨

聞宗寶和尚久返粵東

欲過西禪寺殘香再拜公何期予去後爾亦返山  
中海浪兼烽火閩南與粵東全無消息到江上雨  
濛濛

鼓山西禪華林法海諸開士來相迓云宗寶

和尚有返怡山消息

南浦橋頭別塵沙又一年宗風今日晦實地此公  
賢近有郵書至云當爲我旋私慙無適可獨得老  
僧憐

維舟洪塘環而雪涕者數千人相與入榕城  
猶是尋常至同人感慨多溪卮能恕醉百藥但增  
疴可喜蕉猶綠休驚客再過盈盈千淚滴此意足  
風波

王師將返閩圍漸解射烏樓上示諸同事用  
生字

競欲平鯨浪囊書學老兵  
匡圍解後死玉貌重先  
生風冷霜依堞沙寒月滿營  
前軍殊敢戰烽火不  
須驚

圍城中獨沈二後去送之

如爾真親串危途肯共淹  
病憎藥裏重貧畏米錢  
添老友看垂盡荒城不解嚴  
欲歸何地好送客一  
身嫌

寇退郊望

海水能飛立殘黎黯自吁  
千家灰大漠萬鬼潯荒  
蕪到日皆成淚關心獨茹茶  
不知座上客曾憶徙  
薪無

寇退出西禪寺見耦耕者

跼然真足喜况復耦而耕園柳能爲態畦苗亦已  
生天心終厭亂時事莫增兵新雨連朝足悠然水  
一泓

白下訛傳閩省已陷予殉難射烏樓者遣僕  
子歸慰家嚴慈

草色擁連營干戈歲已更危時憑衆志曠日識孤  
城臣罪人傳死親憂信寄生誰憐居室客冥莫觸  
心兵

南臺萬家無一存者泫然有感

殘城門不閉永晝意如昏桑泉經年思弓刀一夜

痕寒風吹白骨陰雨泣新魂始悟身猶在徘徊淚  
自捫

寇退後從射鳥樓過神光寺贈幻因上人寺  
在射鳥樓下時上人欲遊秣陵不果

湖西閒種柳

上人舊住湖西寺  
曾爲賦種柳詩

老衲舊知名殘郭

圍方解孤舟去未成敵樓當寺面劍響扣鐘聲相  
約秋冬際檐經過石城

病中不寐示謝爾將

金石誠多益微軀力不任早眠安倦僕結夢趁歸  
心細數寒更亂懸知落葉淡紛然無一是冷淚透  
孤衾

月夜同陸違之陳昌箕徐存永陳開仲涂子

是謝爾玄許天玉過有介陶瓶看梅

歲事已云暮寒風獨扣門艱虞百戰後痛哭一身  
存酌酒永今夕與梅同此園憐君引我醉不敢頌  
繁寃

卽席再次存永韻時有介欲移家秣陵不果  
欲棄家園去謀生鍾阜前途危難自定歲苦不如  
先強客寒梅酒移人古竹煙十年嶺外月更見幾  
回圓

立春後一日游漢叟過我次簃上韻

愛此林居寂來從鷗鷺盟瓶梅無落意小竹有高

聲芳樹閒爲綠園禽時一鳴酒錢不易得空負酒  
人名

歲暮大興禪師以手製香相貽

篋香閒供客扶老出雙林妙氣虛堪宅微風逆可  
尋一燈餘寂照枯坐有清心宿火寒更後爲公理  
素琴

送僧北上

幾過華林寺十年一指彈相期歸寂寞欲別亦辛  
酸遠道風沙易城中次第難予來爾返去得句倩  
誰看

心持上人過敢園謝季立居士出艾粿共啖

偶得一詩時持公移鉢安蔬園

荒園能再過乞士獨憐吾說餅閒餐艾教童淨洗  
梧向人誰更識覓句竟全枯頗羨長干客蔬安待  
爾俱

黃朗伯過訪便欲由粵東入燕趙走筆贈之  
黃潛堪將相亮也豈虛諛載氣真同鍊衡機肯讓  
珠尋常身未死緩急世終需南北隨君往吾徒道  
不孤

送王長子返白門長子舊鎮閩畱滯十六載  
矣

措足知何地能歸尚此身花憐嶺外雜酒是故園

醇飛絮茫無著閒雲亦有隣去時城郭改舊侶欲誰詢

八載予三至支離剩此身誰憐單外客又送故鄉人米說江南賤烽傳海上頻將軍今亦厭醉尉莫相嗔

壽客

爭起爲君壽蕭條酒一杯花繁人易老雨舊客能來海水曾三淺春風第幾回傳聞城郭裏山卽是蓬萊

鳥石山宋程師孟改爲道山曾子固記略云程公謂其可比于道家所謂蓬萊方丈瀛洲

也之山

冬夜同陳昌箕毛子儀鄭圭甫集王逸菴大

行此君堂看菊

靜夜能同聚虛堂菊影殘燈涵花蘊藉鶴夢燭平安絮語鄉思闊淡更酒力單寒風蕭瑟甚相勗共加餐

送陳昌箕北上

相知十八年

庚辰予從林宗夫子邸中得交昌箕

彈指憶從前交自

先師訂文憑後輩傳空囊述去住老路不迤邐莫爲孤臣泣春明花正妍

送游漢叟入楚

遂復與君別淒淒望曉湘樓林搖幾葉襍被警微霜莫使傳流寓相期返故鄉

予與漢叟俱祖豫章

此中鴈影

絕不獨是衡陽

閩山看不厭又發漢江城念室憂危色殘年去住  
情衡帆隨九面猿淚落三聲好慰高堂慮湖南未  
罷兵

送爾浮江漢淒然憶九歌擷衡皆是淚噉荔亦成  
痾老眼風波滿故人遷謫多平臺賓客盡歲晚奈  
愁何

畫裏圖長劍日營時有憂

郭無疆爲叟寫小照借  
作長劍倚天外圖

卮謀獨醉垂首代人愁客欲明朝去梅看昨歲稠  
羈臣歸未得心折大江流

前歲冬予求比入閩萊維王來和欲徒步相

從會來和亦有家難予力止之今年夏來  
和間關七千里乃抵三山泣語予曰惠州  
果不在天上小子不敢妄附古人恥宿言  
不踐耳于其歸賦此志感

白浪河邊路相看轉自哀夢餘萊子國酒盡越王  
臺瘴雨間成陣江舟黯欲迴遙憐新荔熟嶺外客  
能來

舟中與子儀

與君同里巷朝夕一寒河到岸爭相覓挑燈且再  
過因憐八載聚無此半年多大醉時時去隔船聞  
浩歌

病與朱靜一

夢想何曾及艱難累爾行七千多里路六十外殘  
生聽雨無端淚隣舟望見情加餐不敢勸一夕數  
心驚

同初荔舟中夜坐

曰沈復曰密爾數爲予箴未自知疎放反憎人靜  
淡得錢聊命酒意動不能禁鄙性誠如此君當鑒  
我心

舟中見閩客買裘

四時俱是夏閩客質多柔過嶺衣如葉渡河風漸  
道寒偏先僕子慮未到衾裯盡賣南天服不能名

一裘

泊頭

共約舟窗并帆開莫後先  
津風瀕海勁吳酒渡河鮮  
疆口珠梅開泊頭紅棗船  
欲停不暫得景物苦畱連

長蘆與葉子尚

舟動不成寐遊絲盡夜牽  
且斟粗麴酒莫憶早冬田  
水闊長蘆岸風高曬棗天  
魯人閩客語相對各茫然

天津孫茂先過慰

十年前此過草履倍艱辛  
一傲平隨僕千奇冷閱

東坡全集卷五  
人塵沙飛北道河海滙天津自顧真衰蹇應爲世  
所嘆

臣亮

臣亮質閩日 天威咫尺時去來終有意雨露本  
無私迎旭蒼蒼照懷風善善吹欲將生動意驟使  
老親知

臘月二十日小飲詩朱靜一倡

臣罪誠當比鈞名未易消相期占貫索未敢祭臯  
陶薄命憑人借危機自我招春風幾日事曾肯潤  
枯條

甲士環相逼身悲有所司空斟殘夜酒暗數一年

詩破硯寒相借疎燈黯自持麻衣渾是淚雨露莫

相私

王壽格與予同居憂

何由同過此定業倩誰翻繪壁畱天問食灰聽客  
言吏真能具獄臣自謂無冤雙柏森森外寒風吹  
短垣

蓆舍寒威逼噓聲釀作飈酒難支此夜雪欲到來  
朝官罷令詩賤途窮看僕驕獨憐牆外客千萬里  
爲遙

### 與林鍊崖

石鼓鳴相應閩行在爾先

予至秋曹兩月公亦至

長卿猶論

蜀充國莫屯田

公以議屯田與武人左

風緊飢鷹掠霜寒老

馬鞭寧知車下淚不抵辦裝錢

公就逮粵人千百環馬首泣緹騎亦

涕為揮

祇覺蜚人好臣微未敢清金鷄方下下驄馬正行  
行天為浮萍約秋同敗葉爭貫城星正朗安坐不  
須驚

此地亦何寒人來歲已闌

公以嘉平廿七日至蒙頭同鼠卧

公膝下書字示予云到此蒙頭卧三日但不睡耳

錐舌待兒看倦鳥冰霜

翼羈臣糞土餐憂能傷客命永夜莫長歎

好語傳瓊海人來前歲初

公前歲遣使人問慰予

蕪言予誤

爾

予在閩有少設施公即鐫行語人曰此周生已試之吾閩者

蔓草世同鉏我

則難為惡人誰代上書殷殷雙慰藉肯使到庭除

與爾東西望居然萬里遙一樽新雨雪雙影舊蕭  
條單外顏何似浮中意互招十年知己淚願借北  
風飄

強項吾徒賤羣侯勿遽嗔熱官思已熟冷竈恥相  
因客淚霜前滿天心逮後真芻尼朝有喜一室已  
回春

漱石上人持雙不借隨子遷間關數千里首  
春二日過慰請室中感贈四首

牽比惟僧缺毅然萬里行悲能隨衆喜慈不自忘  
情我客誰俱至羣觀到爾平爲予勤付囑半偈月  
三更

獨任維摩疾寒風逐客舟經錢居士酒呪力宰官  
讎挑菜霜蒙面敲門雪打頭看君真世外此意欲  
何求

請室愆叢集空心願自饒單鋪看雪委衲借敵風  
驕之子真相累如公孰見招自慙初發意定業可  
能消

梅花開滿寺爾昔坐華林明月生千樹香風透一  
襟偶然迷仄路於此識平心歸卧團瓢下風霜力  
自淡

陸違之元夕爲予吉夢秘未相示走筆詢之  
好夢須錢買詢公吉若何睡鄉天頗大盲子視偏

多枕罪惟微。赦蒙霜不改柯。形神相接處。解凍渡黃河。

長安舊傳十賣詩。僕賣不止十。然皆非所憶。憶惟四作四憶。

素壁縣應遍。煙雲過眼空。據舷餘狡獪。啓篋盡靈通。好手乖人願。名山與世公。紛紛傳秘府。况復在微躬。

畫

得欵頻相就。低崇愜所空。微名空覆斗。小篆憶盤螭。凍老甜留雪。冰奇膩築脂。紅兒參錯好。慧意足人思。

圖章 亾姬爲予布函中  
反覆百十皆不失位置

小閣年年拜。隄糜風所親。心期玄自守。畏見爾磨

人卽啜難娛老雖多未寫貧豹囊間挂壁靜者刺

爲鄰

墨子歲時爲祭墨之會同人咸有詩

小物奇難測斯人致不窮紅猶畱鬼趣碧自足天  
工肉好情惟朴方規意盡融十年慙大索一珮亦  
難終

小漢玉

淚

茫茫集百端枯坐落闌干熱潑三生血寒凝一夜  
癡纏微連雨濕薦草滴霜殘過嶺猿聲苦經年不  
肯乾

有目憐雙瞽枯槁出已枯多惟堪盥面貴不肯成  
珠冷濺階前雨悲翻夜半烏三年麻服血得到故

鄉無

壽介壽

陶瓶閒介壽去歲醉君家意外聯翩客春分躑躅  
花蘆菴聊試雨土銚但蒸沙却喜年年聚寧爲道  
路蹉

半偈度朝昏寒蘆獨閉門一垣如此隔雙足近來  
尊酌酒謝僮僕相依盡弟晁生辰垂老惜不爲憶  
家園

送紀伯紫遊閩

送我看山去輕舟不肯還臨岐前日事見月幾回  
圓馬度黃河雪篷開越嶠煙勞勞頻慰爾正及荔

枝鮮

予丁亥入閩維揚王漢恭賦一路看山到武夷相送伯紫有作

似踐當年約囊書嶺外行  
依人畱劍氣作賦重軍  
聲瀚海猶飛浪樓船未罷兵  
詢予閒過處曾負爾

平生

大竿嶺上路幾度聽猿過  
海外貧交滿山城舊夢  
多霞濃扶荔豔雷殷展蕉  
我瘴雨懷人處瀟瀟秋

水波

焦聞雷始長

成行猶數過委曲爲人畱  
請室踪能密清樽意不  
浮桺條燕市雨梧葉秣陵秋  
何日湖西岸相攜問  
莫愁

芍藥無瓶簡芝麓蘭次

措足猶無地看花只自傷  
安心存四壁束影就空房  
不昧繁華好其如客思長  
盈盈相對久掌上可憐香

閏三月補祝林起八

失喜重三月憐君再有生  
戈前天廣大馬首氣和平  
夜雨還家夢春風去國情  
清樽勤頌禱願到石頭城

重九有介送菊有介春日數折芍藥贈我

芍藥春風好相貽幾日來  
蓬門關白晝晚照上蒼苔  
老畏新時序天憐舊酒杯  
隣牆客未去又送菊花開

種讓閩南異開遲十月中

閩南九月無菊

寒花北地早鄉

夢故人同旅色難爲夜秋聲半在楓何能奮羽翼

天外和歸鴻

櫓搖花背指鄉思渡河溪晚觸當時淚寒生劓客  
心風霜爭白髮煙雨豔黃金頗愛殘燈下蕭蕭數  
影臨

若盧閒亦好不信竟忘歸寂影生遙想羈人看落  
暉何時白酒熟相伴紫螯肥却憶東籬外寒風吹  
我衣

重陽前一夕同冠五燈下對菊用靜一韻三

首

秋聲盡夜滿風笛更相催鴈欲何方去花能此地  
開百年茅屋酒一雨沒堦苔莫隸重陽事鄉心古  
吹臺

藥欄隣舍好相隔幾由旬雨作明朝節花憐昨日  
春微霜增白濕夕影約黃勻我屋南山下悠然一  
畝新

秋事殊方好嚴霜亦作華難稱身是客但夢路無  
涯黃菊杯中影青門亂後家更生他日約與爾藝  
寒葩

九日李逸客載酒予與逸客別于語溪十三  
載矣

東正堂集卷五  
老淚濕闌干泥途客意難非謀佳節醉獨慰故人  
寒明月荒林動幽花病榻看屬垣多聽子不敢盡  
君歡

庖風天外吹敝履曳繁霜人負山中約花矜雨後  
粧難斟燕市酒再話語兒鄉歲晚書曾寄湘煙澹  
岳陽

樵川烽燧滿磨楯說兵時往事憑誰達餘生愧所  
知書來霞嶺闊棹解石門遲咄咄人三返曾傳九  
日詩

重九同冠五對菊次韻簡芝麓

戰場江上滿老至歎無家一鴈多寒色繁霜有靜

華人來黃葉下倚杖夕陽斜  
相約還鄉去空期八月查

五里階前霧迷人不肯開  
到心桐葉雨垂老菊花  
杯秋色千林滿霜鐘一夜催  
看君真玉貌畏地共徘徊

維摩方丈室納納此中寬  
腐鼠人同嚇甘蕉方任  
彈停雲懷友密背雨坐花殘  
獨愛陶元亮一卮意已安

服食方全好東籬擷始英  
酒難今夜醉花識老人  
情摧葉霜多力鳴條月有聲  
祇應塵濁裏枯坐念無生

九月十三夜冠五菊影中看予爲詩有作次

韻奉答並簡蘭次

亦是重陽節

宋人改此日爲重陽

難爲永夜情羣芳無射出

一菊有秋生客思雲霄遠鷄聲風雨平燈花何太  
好失喜卜三更

聞說屯溪上花繁吳仲居卮前邀月滿圃外看雲  
舒沙澈鷗情闊芝田鶴意如此中持贈我一劍外  
無餘

秋色吳門外舟聯夜雨中情生孤嶂月語隱大江  
風老驥心空在迷途道未窮連宵詩甚好珍重寫  
愚衷

九月十五夜瓶菊將殘燈下用冠五韻

重陽幾日事瓶菊已將殘月是隣家好心難此夜  
寬低簷垂細雨老病畏新寒瘦盡連宵影稜稜猶  
耐看

藥裏貧難覓衰顏看鏡羞蛩聲搖永夜鴈翼冷淡  
秋多病心全寂無謀淚暗流不知江海上何處有  
歸舟

他日堪相見同君交有神花殘不寐客秋老未歸  
人起陸龍蛇舞當關虎豹蹲片時頻徙坐風雨大  
無倫

青女行將去霜風淨可憐辱人羞滿世老眼醉橫

天得寐慙歸夢餐花有大年蕭蕭一雨後亦覺此  
卮賢

九月十六日望西山呈北海夫子

曾在西山住石闌盡日凭松聲一徑落雲勢半床  
蒸客夢林中雪梅花澗上冰誰教牆外望只見碧  
層層

九月十九日宋人亦以是日爲重九冠五燈  
下偶得花寒今十日酒冷古重陽之句予  
頗爲擊節走筆奉和四章

白日荒涼甚卑棲此夜長兵戈猶故里風雨更重  
陽作意畱佳節遲人悅晚香傳聞災可避又製紫

萸囊

伏枕增遙感隣家吹洞簫清聲真自苦久客忽無  
聊老眼風波闊鄉心日夜搖經旬黃菊影生意未  
全消

窮鳥無高翼秋風滿畢羅空傳湘客賦難返魯陽  
戈黃菊前宵雨白頭今夕歌良時不再借得酒莫  
蹉跎

更有重陽會竭來只自憐風塵迥大陸日月自高  
天花綻繁霜苦卮擎老腕堅遙看籬落下尚有一  
枝全

九月十九夜隣牆有客爲予得吉夢凌晨遣

急足絮絮告子感其意成此

百感盈高枕多公意獨閒一秋如此度永夜苦相  
關在目猶佳境隣牆送好顏可憐憑夢寐便欲望  
生還

九月二十日同鄉人帥君載酒泛菊卽席同  
冠五賦

諸帥聲名久高文滿豫章惟君盤劣馬一羽失長  
楊室邇憐桑梓情來載酒漿翩翩清論好終是大  
家郎

泛菊來嘉侶秋風吹客狂看能畱幾日開卽是重  
陽薄醉隣家酒高眠折脚床莫悲狼藉甚吾道不

批糠

負鑽空相訟吾衰未可興當歸憑遠望何處有高  
登永夜羣心滿霜風一鴈凌不堪瓢笠外冷盡退  
居僧

江上新傳捷寒家信未通且斟秋室酒莫聽夜飛  
鴻掠理憑餘子持平仗數公生平多謬誤細細責  
微躬

九月廿一日餞菊和吳蘭次

只似溪山住花畱小徑幽羈心一座滿酒力五更  
休候鴈迷霜路鳴蟲絮晚秋獨憐擊筑者好與旅  
人遊

九月廿二日因樹屋送秋限韻

茅屋閒畱客寒煙滿竹厨蘋蔬猶可擷粗糲強人  
俱秋是貧家好花看雨後殊君休輕草坐一笑向  
來無

閒看青女去小几與雲凭明月空相照高樓未可  
登鴈聲殘夜露蛩語一簾冰亦有還鄉路烽煙隔  
幾層

歲序亦何速寒威入夜真夢同秋競遠樹與屋相  
因濁酒懷歸客殘花失意人畱君莫漫去戶外有  
風塵

直北經年客東吳萬里舟敝裘空再換鄉淚未全

收月好能爲照雲開不盡浮故園真可去釀酒大  
江樓

大風拔茅屋

是物天摧盡相遺一草廬狹猶容坐卧陋尚費躊  
躇獨影謀蝸篆寒心倩鴈書庖風勿勿起乘屋自  
憐疎

雨風欺我屋四面颼孤舟故故聲東舍遙遙擊北  
陬欲掀穩作勢乍緩突相浮童子呼號切老夫無  
可謀

席舍如鱗比寒風我處多半空大小翮一帶短長  
衰閒極翻書帙威餘到鳥窠隣兒爭作苦忽憶少

東下堂集卷五  
二四  
陵歌

亦只崇朝勢胡爲不暫停  
庇寒隣意好堪賦客心  
寧後夜休教雨今朝朗見星  
天心終愛我一息驟還青